0.0.1 pāsādikasuttam

- 20. yāvatā kho cunda etarahi satthāro loke uppannā, nāham cunda aññam ekasatthārampi samanupassāmi evam lābhaggayasaggappattam yatharivāham. yāvatā kho pana cunda etarahi saṅgho vā gaṇo vā loke uppanno, nāham cunda aññam ekasaṅghampī samanupassāmi evam lābhaggayasaggappattam yatharivāyam cunda bhijhusaṅgho. yam kho tam cunda sammā vadamāno vadeyya sabbākāraparipūram anūnam anadhikam svākkhātam kevalaparipūram brahmacariyam suppakāsitanti, idameva tam sammā vadamāno vadeyya sabbākārasampannam anūnam anadhikam svākkhātam kevalaparipūram brahmacariyam suppakāsitanti.
- 21. uddako sudam¹ cunda rāmaputto evam vācam bhāsati: passam na passatīti. kiñca passam na passatī?ti. khurassa sādhu nisitassa talamassa passati, dhārañca khvassa na passati. idam vuccati cunda passam na passati. yam kho panetam cunda uddakena rāmaputtena bhāsitam hīnam gammam pothujjanikam anariyam anatthasamhitam khūrameva sandhāya, yañcetam cunda sammāvadamāno vadeyya passam na passatī'ti, idamevetam sammā vadamāno vadeyya 'passam na passatī'ti.
- **22.** kiñca passaṃ na passatī?ti: evaṃ sabbākārasam-pannaṃ sabbākāraparipūraṃ anūnaṃ anadhikaṃ svāk-

¹udako sudam - machasam. pts page 127

khātam kevalaparipūram brahmacariyam suppakāsitanti, iti hetam passati. idamettha apakaḍḍheyya, evam tam parisuddhataram assāti, iti hetam na passati. idamettha upakaḍḍheyya, evam tam paripūram assāti iti hetam na passati. idam vuccati passam na passatī'ti.

- 23. yam kho tam cunda sammā vadamāno vadeyya "sabbākārasampannam anūnam anadhikam svākkhātam kevalaparipūram brahmacariyam suppakāsitanti, idameva tam sammā vadamāno vadeyya sabbākārasampannam anūnam anadhikam svākkhātam kevalaparipūram brahmacariya suppakāsitanti.
- 24. tasmātiha cunda ye vo mayā dhammā abhiññā desitā, tattha sabbeheva saṅgamma samāgamma atthena atthaṃ byañjanena byāñjanaṃ saṅgāyitabbaṃ na vivaditabbaṃ. yathayidaṃ brahmacarayaṃ addhaniyaṃ assa ciraṭṭhitikaṃ. tadassa bahujanahitāya bahujanasukhāya lokānukampāya atthāya hitāya sukhāya devamanussānaṃ. katame ca vo cunda dhammā mayā abhiññā desitā yattha sabbeheva saṅgamma samāgamma atthena atthaṃ byañjanena byañjanaṃ saṅgāyitabbaṃ na vivaditabbaṃ, yathayidaṃ brahmacariyaṃ addhaniyaṃ assa ciraṭṭhitikaṃ, tadassa bahujanahitāya bahujanasukhāya lokānukampāya atthāya hitāya sukhāya devamanussānaṃ seyyathīdaṃ: cattāro satipaṭṭhānā, cattāro sammappadhānā, cattāro iddhipādā, pañcinduyāni, pañca balāni, satta bojjhaṅgā, ariyo aṭṭhaṅ-

bjt page 212

giko maggo. ime kho te cunda dhammā mayā abhiññā desitā, yattha sabbeheva saṅgamma samāgamma atthena attham byañjanena byañjanam saṅgāyitabbam, na vivaditabbam, yathayidam brahmacariyam addhaniyam assa ciraṭṭhitikam, tadassa bahujanahitāya bahūjanasukhāya lokānukampāya atthāya hitāya sukhāya devamanussānam.

- tesam ca vo cunda samaggāna sammodamānā-25. nam avivadamānānam sikkhitabbam aññataro sabrahmacārī sangho dhammam bhāseyya, tatra ce tumhākam evamassa "ayam kho āyasmā atthanceva micchā ganhāti, byañjanāni ca micchā ropetī"ti, tassa neva abhinanditabbam, nappatikkositabbam. anabhinanditvā appaţikkositvā so evamassa vacanīyo "imassa nu kho āvuso atthassa imāni vā byañjanāni etāni vā byañianāni katamāni opāvikatarāni imesam vā byanjanānam ayam vā attho eso vā attho, katamo opāyikataro?ti." so ce evam vadevya "imassa kho āvuso atthassa imāneva byañjanānī opāyikatarānī yāneva etānī' imesam byañjanānam, ayameva attho opāyikataro yāneva eso'ti, so neva ussādetabbo na apasādetabbo. anussādetvā anapasādetvā sveva sādhukam saññāpetabbo, tassa ca atthassa tesam ca byañjanānam nisantivā.
- **26.** aparo pi ce cunda sabrahmacārī saṅghe dhammam bhāseyya, tatra ce tumhākam evamassa "ayam

pts page 128

bjt page 214

kho āyasmā attham hi kho micchā gaṇhāti, byañjanāni sammā ropetī"ti, tassa neva abhinanditabbam nappaṭikkositabbam. anabhinanditvā appaṭikkositvā so evamassa vacanīyo "imesam nu kho āvuso byañjanānam ayam vā attho eso vā attho, katamo opāyikataro?"ti, so ce evam vadeyya "imesam kho āvuso byañjanānam ayameva attho opāyikataro, yo ceva eso"ti, so neva ussādetabbo na apasādetabbo. anussādetvā anapasādetvā sveva sādhukam saññāpetabbo tasseva atthassa nisantiyā.

- 27. aparo pana cunda sabrahmacārī saṅghe dhammaṃ bhāseyya, tatra ce tumhākaṃ evamassa "ayaṃ kho āyasmā atthaṃ hi kho sammā gaṇhāti, byañjanāni micchā ropetī"ti, tassa neva abhinanditabbaṃ nappaṭikkositabbaṃ. anabhinanditvā appaṭikkositvā so evamassa vacanīyo "imesaṃ nu kho āvuso atthassa imāneva byañjanāni etāni vā byāñjanāni, katamāni opāyikatarānī?"ti, so ce evaṃ vadeyya "imassa nu kho āvuso atthassa imāneva opāyikatarāva, yāni ceva etānī"ti², so neva ussādetabbo na apasādetabbo. anussādetvā anapasādetvā sveva sādhukaṃ saññāpetabbo tesaññeva byañjanānaṃ nisantiyā.
- 28. aparo pi ce cunda sabrahmacārī saṅghe dhammaṃ bhāseyya, tatra ce tumhākaṃ evamassa "ayaṃ kho āyasmā atthañceva sammā gaṇhāti, byañjanāni

pts page 129

²yāceva otāni - sīmu.

ca sammā ropetī"ti, tassa 'sādhū'ti bhāsitam abhinanditabbam anumoditabbam. tassa 'sādhū'ti bhāsitam abhinanditvā anumoditvā so evamassa vacanīyo "lābhā no āvuso suladdham no āvuso, ye mayam āyasmantam tādisam brahmacārim passāma evam atthupetam byanjanūpetanti. "

- 29. na vo ahaṃ cunda diṭṭhadhammakānaṃ yeva āsavānaṃ saṃvarāya dhammaṃ desemi, na panāhaṃ cunda samparāyikānaṃ yeva āsavānaṃ paṭighātāya dhammaṃ desemi. diṭṭhadhammikānaṃ cevāhaṃ cunda asāvānaṃ saṃvarāya dhammaṃ desemi samparāyikānañca āsavānaṃ paṭighātāya. tasmātiha cunda yaṃ vo mayā cīvaraṃ anuññātaṃ, alaṃ ve taṃ yāvadeva sītassa paṭighātāya, uṇhassa paṭighātāya, ḍaṃsamakasavātātapasiriṃsapasamphassānaṃ parighātāya, yāvadeva hirikopīnapaṭicchādanatthaṃ.
- **30.** yo vo mayā piṇḍapāto anuññāto, alaṃ ve so yāvadeva imassa kāyassa ṭhitiyā yāpanāya vihiṃsūparatiyā brahmacariyānuggahāya. iti purāṇañca vedanaṃ paṭihaṅkhāmi. navañca vedanaṃ na uppādessāmi, yātrā ca me bhavissati anavajjatā ca phāsuvihāro cāti.
- **31.** yam vo mayā senāsanam anuññātam, alam vo tam yāvadeva sītassa paṭighātāya unhassa paṭighātāya damsamakasavātātapasirimsapasamphassānam paṭighā-

bit page 216

tāya yāvadeva utuparissayavinodanam paṭisallānārāmattham.

- **32.** yo vo mayā gilānappaccayabhesajjaparikkhāro anuññāto, alaṃ vo so yāvadeva uppannānaṃ veyyābādhikānaṃ vedanānaṃ paṭighātāya abyāpajjhaparamatāyā ti.
- 33. ṭhānaṃ kho panetaṃ cunda vijjati, yaṃ aññatitthiyā paribbājakā evaṃ vadeyyuṃ "sukhallikānuyogamanuyuttā samaṇā sakyaputtiyā viharantī"ti. evaṃ vādino cunda aññatitthiyā paribbājakā evamassu vacanīyā "katamo so avuso sukhallikānuyogo? sukhallikānuyogā hi bahū anekavihitā nānāppakārakā"ti.
- 34. cattāro'me cunda sukhallikānuyogā hīnā gammā pothujjanikā anariyā anatthasamhitā na nibbidāya na virāgāya na nirodhāya na upasamāya na abhiññāya na sambodhāya na nibbānāya samvattanti. katame cattāro? idha cunda ekacco bālo pāņe vadhitvā vadhitvā attānam sukheti pīņeti. ayam paṭhamo sukhallikānuyogo. puna ca param cunda idhekacco adinnam ādiyitvā ādisitvā attānam sukheti pīņeti. ayam dutiyo sukhallikānuyogo. puna ca param cunda idhekacco musā bhaņitvā bhaņitvā attānam sukheti pīņeti. ayam tatiyo sukhallikānuyogo. puna ca param cunda idhekacco pañcahi kāmaguņehi samappito samangībhuto

pts page 130

bjt page 218

paricāreti, ayam catuttho sukhallikānuyogo. ime kho cunda cattāro sukhallikānuyogā hīnā gammā pothujjanikā anariyā anatthasamhitā na nibbidāya na virāgāya na nirodhāya na upasamāya na abhiññāya na sambodhāya na nibbānāya samvattanti.

- 35. ṭhānaṃ kho panetaṃ cunda vijjati. yaṃ aññatitthiyā paribbājakā evaṃ vadeyyuṃ 'ime cattārā sukhallikānuyoge anuyuttā samaṇā sakyaputtiyā"ti. te vo 'mā hevantissuvacanīyā. na te sammā vadamānā vadeyyuṃ abbhācikkheyyuṃ asatā abhutena.
- 36. cattāro'me cunda sukhallikānuyogā ekantanibbidāya virāgāya nirodhāya upasamāya abhiññāya sambodhāya nibbānāya samvattanti. katame cattāro? idha cunda bhikkhu vivicceva kāmehi vivicca akusalehi dhammehi savitakkam savicāram vivekajam pītisukham pathamam jhānam upasampajja viharati. ayam paṭhamo sukhallikānuyogo. puna ca param cunda bhikkhu vitakkavicārānam vūpasamā ajjhattam sampasādanam cetaso ekodibhāvam avitakkam avicāram samādhijam pītisukham dutiyam jhānam upasampajja viharati. ayam dutiyo sukhallikānuyogo.
- 37. puna ca param cunda bhikkhu pītiyā ca virāgā upekkhako ca viharati sato ca sampajāno sukham ca

pts page 131

kāyena paṭisaṃvedeti, yaṃ taṃ ariyā ācikkhanti 'upek-khako satimā sukhavihārī'ti taṃ tatiyaṃ jhānaṃ upa-sampajja viharati. ayaṃ tatiyo sukhallikānuyogo. puna ca paraṃ cunda bhikkhu sukhassa ca pahānā dukkhassa ca pahānā pubbeva somanassadomanassānaṃ atthaṅgamā adukkhaṃ asukhaṃ upekkhāsatipārisuddhiṃ catutthaṃ jhānaṃ upasampajja viharati. ayaṃ catutho sukhallikānuyogo. ime kho cunda cattāro sukhallikānuyogā ekattanibbidāya virāgāya nirodhāya upasamāya abhiññāya sambodhāya nibbānāya saṃvattanti.

- 38. ṭhānaṃ, kho panetaṃ cunda vijjati, yaṃ aññatitthiyā paribbājakā evaṃ vadeyyuṃ "ime cattāro sukhallikānuyogā anuyuttā samaṇā sakyaputtiyā viharanti"ti. te vo evaṃ ti'ssu vacanīyā sammā te vo vadamānā vadeyyuṃ. na te vo abbhācikkheyyuṃ asatā abhutena.
- 39. ţhānaṃ kho panetaṃ cunda vijjati, yaṃ aññatit-thiyā paribbājakā evaṃ vadeyyuṃ 'ime pana āvuso cattāro sukhallikānuyoge anuyuttānaṃ viharataṃ kati phalāni katānisaṃsā pāţikaṅkhā?"ti. evaṃ vādino cunda aññatitthiyā paribbājakā evamassu vacanīyā "ime kho āvuso cattāro sukhallikānuyoge anuyuttānaṃ viharataṃ cattāri phalāni cattāro ānisaṃsā pāṭikaṅkhā, katame cattāro? idhāvuso bhikkhu tiṇṇaṃ saññojanānaṃ parikkhayā sotāpanno hoti avinipātadhammo niyato sambodhiparāyano. idaṃ paṭhamaṃ phalaṃ pathamo ānisamso. puna ca param āvuso bhikkhu tin-

ņam saññojanānam parikkhayā rāgadosamohānam tanuttā sakadāgāmi hoti sakideva imam lokam āgantvā dukkhassantam karoti. idam dutiyam phalam dutiyo ānisamso. puna ca param āvusā bhikkhu pañcannam orambhāgiyānam saññojanānam parikkhāya opapātiko hoti tattha parinibbāyī anāvattidhammo tasmā lokā'ti. ida tatiyam phalam tatiyo ānisamso. puna ca param āvuso bhikkhu āsavānam khayā anāsavam cetovimuttim paññāvimuttim diṭṭheva dhamme sayam abhiññā sacchikatvā upasampajja viharati. idam catuttham phalam catuttho ānisamso. ime kho āvuso cattāro sukhallikānuyoge anuyuttānam viharatam imāni cattāri phalāni cattāro ānisamsā pāṭikaṅkhā"ti.